

Abusus postea  
introducitur.

tur, prout solitum esse ibi narratur, utque eadem res sic absque solutione Gabellarum relaxata, vendi nequirent, nisi facta ejusmodi venditionis notificatione Dohaneris, sive Dohanarum redemptoribus, ut illis Dohana refundetur, alioquin fraus commissa censeretur. Verum ab aliquo ceteriori tempore, nempe circa finem Pontificatus Clementis predecessoris predicti, sive per incuriam, sive per inconsultam facilitatem illorum Ministrorum Cameralium, quibus ex officio debito capitula appaltus formare, ac indemnitati Camerae predictae consulere incumbat, ampliari coeptas fuisse immunitates, seu franchitias ad res, quas dicti exempti in tabernis mercatoris, apothecis, & repositoriis, sive ut vulgare dicitur -- *Nelli Fondachi, Battoghe, e Magazzeni* -- emerent.

§.2. Cum autem experientia compertum sit, detrimenta, quae per excessivas immunitates, seu franchitias hujusmodi Camerae predictae inferuntur, ex inconsulta, nec ullo titulo suffulta ampliatione hujusmodi, quae etiam Legum, & Constitutionum Apostolicarum dispositioni adversatur, oriri; hinc est, quod nos incommodis predictis occurrere, ac dictae Camerae, & privatorem interesse habentium, prout summa iustitiae, aequitatisque ratio postulat, indemnitati providere cupientes, ac omnium, & singulorum appaltuum, Dohanarum, & Gabellarum hujusmodi haecenus factorum, etiam auctoritate Apostolica confirmatorum, instrumentorumque publicorum desuper celebratorum, necnon quarumcumque concessionum, immunitatum, & exemptionum a dictis Dohanis, & Gabellis S.R.E. Cardinalibus, ac Thesaurario Generali, Clericis praesidentibus, aliisque Ministris Cameralibus predictis, ac aliis exemptis quomodocumque, & quomodocumque factarum, Literarumque Apostolicarum, tam sub plumbo, quam in simili forma Brevis, Cederalum Motus proprii, & Chirographorum cujusvis Romani Pontificis predecessoris nostri manu subscriptorum, ac aliarum Literarum, & scripturarum tam publicarum, quam privatarum desuper quomodolibet emanatarum, ac pluries, & quantiscumque vicibus confirmatarum, & innovatarum tenores, etiam veriores, & datas, causas, & occasiones, aliaque omnia, & singula, etiam specifica, & individua mentione, & expressione digna praesentibus proplene, & sufficienter expressis, ac de verbo ad verbum insertis, & exactissime, & accuratissime specificatis habentes: Motu proprio, non ad cuiusquam nobis super hoc oblatae petitionis instantiam, sed ex certa scientia, & matura deliberatione nostris, deque Apostolicae potestatis plenitudine, ac alias omni meliori modo, via, jure, & forma, quibus firmius, & validius facere possumus, usum illum antiquiorem, qui circa immunitates, seu franchitias praedictorum Cardinalium, & Thesaurarii generalis, Clericorum praesidentium, aliorumque Ministrorum Cameralium, ac aliorum exemptorum sub Pontificatibus memoratorum, Pauli III., Julii III., Pauli IV., Pii IV., Gregorii XIII., Sixti V., Clementis VIII. predecessorum, ut praefertur, servabatur, tenore praesentium innovamus, & reducimus, ac perpetuis futuris temporibus inviolabiliter observari debere statuimus, decernimus, & ordinamus. Inconsultam vero, nec ullo titulo suffultam ampliationem, & innovationem praedictam, quam

Firmatur nos  
antiquum  
franchitiam.

Revocantur  
omnes immu-  
nitates, quoad  
abusum rec-  
ter introdu-  
ctum.

quidem sub Constitutionibus exemptionum, & franchitiarum revocatoris similis memoriae Pauli V., Urbani VIII., Innocentii X., Alexandri VIII., Clementis IX., & Clementis X. Romanorum Pontificum predecessorum pariter nostrorum, ac etiam nostra comprahensam esse praetendi posset, iidem perpetuo cassamus, irritamus, tollimus, perimus, annullamus, & abolemus, viribusque, & effectu penitus, & omnino vacuumus. Adeo in posterum omnes praefati, & quicumque alii immunes, & exempti, etiam quavis nota speciali digni sint, ac esse debeant immunes, & exempti pro illis tantum mercibus, bonis, & rebus, quae ab extra pro solo eorum usu, ut supra, & infra, per eos introducuntur.

§.3. Ac propterea dilectis filiis modernis, & quomodocumque futuris nostro, & S.R.E. predictae Camerae, Vicecamerae, Thesaurario Generali, Praesidentibus Clericis, Commissario Generali, ceterisque dictae Camerae Officialibus, & Ministris, ad quos ea res spectat, & pro tempore spectabit, harum serie in virtute Sanctae Obedientiae, ac sub indignationis nostrae, aliisque nostro, & Romani Pontificis pro tempore existentis arbitrio imponendis poenis districte praecipimus, injungimus, & mandamus, ut deinceps tam in primo, quam successively quomodocumque faciendis appaltibus Dohanarum, & Gabellarum Urbis predictae, illisque annexorum circa immunitates, exemptiones, & franchitias ejusdem S.R.E. Cardinalium, tam Cameralium, sive eorum, qui in Camera predicta sederunt, seu pro tempore sederint, quam non Cameralium, ac Vicecameraarii, Thesaurarii Generalis, Clericorum Praesidentium, Commissarii Generalis, ceterorumque Officialium, & Ministrorum dictae Camerae, & aliorum quorumvis exemptorum, immunitum, & privilegiorum, etiam specifica, & individua mentione dignorum, ac etiam Personae nostrae, & Romani Pontificis pro tempore existentis, necnon Palatii Apostolici, pacta, seu capitula eo modo forment, & formari curent, quo antiquitus, ut praefertur, formabantur: ita scilicet, ut praedictis exemptis, & immunitibus illa dumtaxat merces, & res, in quibus immunitates frui consueverunt, sine Gabellarum, & Dohanarum hujusmodi solutione, quas proprii usus gratia, & non aliter adveni curaverint. Ac etiam haec cum mandatis per ipsos principales, non autem per eorum ministros subscriptis, & eorum sigillo munitis relaxari, nec hujusmodi mandata aliter subscribi, seu aliter expedita admitti debeant: quinimo etiam si mandata ipsa sub hac forma expedita fuerint, admittantur tamen solummodo pro illis mercibus, & rebus, quae in ea sint quantitate, ut verisimile sit eas usui proprio mandantis exempti, non autem ejus consanguineorum, vel affinium, aut aliorum, etiam in ejus domo habitantium, servituras esse. Res autem sic introductae, & sine Gabellarum solutione admittae nequeant vendi, aut donari, vel alio quocumque modo concedi, etiam consanguineis, vel affinibus, licet exempto, seu privilegiato in ejus domo cohabitantibus, multoque minus mercatoribus, tabernariis, sive apothecariis, cauponibus, stabulariis, scrutaris, propolis, aliisque quibuslibet personis, praeterquam propriis famulis veris, & actualibus, vel consanguineis, aut affinibus, qui ex obliga-

Injungitur Mi-  
nistris Came-  
ralibus, ut an-  
tiquam for-  
mam servent  
in Capitulis  
Dohanarum.

Prescribitur  
modus obser-  
vandi in  
mandatis ab  
Exemptis fa-  
ciendis pro usu  
proprio tan-  
tum.

Prohibetur  
exemptis ve-  
ditio, & dona-  
tio rerum  
introducitur.

Cognitio, an  
merces exce-  
dit usum exem-  
ptorum, com-  
mittitur Co-  
gr. Camerali.

tionem ipsorum exemptorum, seu privilegiorum impensis sustententur, itaut si quocumque modo distraherentur, & de eo sufficienter confiterit juxta alia mandata, quae hodie dilecto filio Magistro Joanni Ginetto Camerae predictae Thesaurario Generali dedimus, eo ipso fraus commissa censeretur, & res ipsae in commissum, cadant. Porro formam circa mandatorum hujusmodi subscriptionem, illorumque admissionem per praesentes praescriptam ex nunc perpetuis futuris temporibus inviolabiliter, & adamussim servari, nec mandata ipsa aliter admitti volumus: quod si mandata quidem ipsa secundum formam praedictam concepta fuerint; incidere vero possit dubium, utrum sint excelsiva, & inverisimilia, ejus rei cognitio, & decisio non ad Thesaurarium, vel Commissarium Generalem praedictorum, aut Dohaneris, seu Dohanarum, & Gabellarum hujusmodi Conductores spectet, sed illius declaratio, & determinatio privative ad quoscumque alios ad Congregationem Cameralem a nobis erectam, & deputatam tantisper pertinere debet, donec, & quousque taxa immunitatum, sive franchitiarum hujusmodi pro unoquoque exempto, sive immuni nostro, seu Romanorum Pontificum Successorum nostrorum jussu facta fuerit, quam subinde perpetuo servari volumus. Ut autem ab eadem Congregatione cognosci, & judicari possit, an res, quae introducuntur sint proportionate proprio usui introductis, vel excelsivae, aut in fraudem introductae, mandamus, & decernimus, ut Dohaneris, eorumque Ministri revidere possint, imo debeant, viduos, involucre, capas, & arculas, aliaque, quibus res hujusmodi inclusa fuerint, eodem modo, quo fieri solet circa res illorum, qui nullo immunitatis, & exemptionis privilegio suffulti sunt: si vero res fuerint ejusmodi qualitatis, ut id sine detrimento, vel incommodo fieri nequeat, eo casu immunes, seu exempti bona fide quantitatem, & qualitatem rerum in capis, & aliis praedictis contentarum declarare, & specificare debeant.

Conceditur  
Dohaneris fa-  
cultas reco-  
gnoscendi in-  
volucre, ca-  
pas &c.

Si vero ex  
recognitione  
merces po-  
tiantur detri-  
mentum, sta-  
dum fidei ex-  
emptorum.

Clausula.

§.4. Decernentes pariter easdem praesentes literas, & in eis contenta quaecumque, etiam ex eo quod Camerae, aliisque Cardinales, Vicecamerae, Thesaurarius Generalis, Praesidentes Clerici, Commissarii Generalis, ceterique dictae Camerae Officiales, & Ministri, aliive quicumque exempti, & privilegiati, etiam specifica, & individua mentione, & expressione digni, in praemissis jus, vel interesse habentes, seu habere quomodolibet pretendentes illis non consenserint, nec ad ea vocati, citati, & auditi, neque causa propter quas praesentes emanarint, sufficienter adducta, specificata, vel ullatenus justificata fuerint, aut ex alia qualibet, etiam quantumvis legitima, juridica, pia, & privilegiata causa, colore, praetextu, & capite, etiam in corpore Juris clauso, etiam enormis, enormissimae, & totalis laesionis, nullo unquam tempore de subreptionis, vel obreptionis, aut nullitatis, vel invaliditatis vitio, seu intentionis nostrae, vel quorumvis interesse habentium consensus, aliove quolibet, etiam quantumvis magno, formali, & substantiali, ac incogitato, & incogitabili, individuanque expressionem requirente defectu notari, impugnari, infringi, retractari, limitari, modificari, in jus, vel controversiam vocari, aut ad terminos juris reduci, seu adversus illas ape-

ritionis oris, restitutionis in integrum, aliudve quodcumque juris, facti, vel gratiae remedium impetrari, vel intentari, aut impetrato, seu etiam motu, scientia, & potestatis plenitudine paribus concessio, vel emanato quempiam in iudicio, vel extra illud uti, seu se juvare ullo modo posse; neque ipsas praesentes Literas sub quibusvis similibus, vel dissimilibus Constitutionum, & Ordinationum revocationibus, suspensionibus, limitationibus, aliisque contrariis dispositionibus quomodocumque, & quomodocumque, etiam per viam legis, & Constitutionis generalis, seu Statuti perpetui faciendis, unquam comprahensas censi, sed semper ab illis exceptas, & quoties illae emanabunt, toties in pristinum, & validissimum statum restitutas, & repositas, & plenarie reintegratas, ac etiam de novo sub data posteriore concessas intelligi, firmasque, validas, & efficaces existere, & fore, suisque plenarios, & integros effectus sortiri, & obtinere, ac ab illis, ad quos spectat, & pro tempore quomodocumque spectabit, in omnibus, & per omnia inviolabiliter, & inconcusse observari, & adimpleri: sicque, & non aliter in praemissis omnibus, & singulis censi.

§.5. Atque ita per quoscumque Judices Ordinarios, & delegatos, etiam Caesarum Palatii Apostolici Auditores, ac S.R.E. Camerarium, & alios Cardinales, etiam de Latere Legatos, ipsorumque Cardinalium Collegium, ac Vicecamerarium, Thesaurarium, Praesidentes Clericos, Commissarium, ceterosque dictae Camerae Officiales, & Ministros, & quoscumque, quavis potestate, praesentia, & auctoritate fungentes, & functuros, sublata eis, & eorum cuiuslibet quavis aliter judicandi, & interpretandi facultate, & auctoritate, judicari, & definiti debere, ac irritum, & inane, si secus super his a quoquam, quavis auctoritate scienter, vel ignoranter contigerit attentari.

§.6. Non obstantibus praemissis, ac Nostra & Cancellariae Apostolicae Regula de jure quaesito non tollendo, & praedicti Pii IV. predecessoris de gratis quaecumque interesse dictae Camerae concernentibus, in eadem Camera intra certum tunc expressum tempus praesentandis, & registrandis, itaut praesentes literas ibidem praesentari, & registrari nunquam necesse sit, aliisque Constitutionibus, & Ordinationibus Apostolicis, necnon Camerae predictae, aliisque quibusvis, etiam juramento, confirmatione Apostolica, vel quavis firmitate alia roboratis, statutis, & consuetudinibus, styli, & usibus, etiam immemorabilibus, privilegiis quoque, indultis, concessionibus, Chirographis, Cederalis motuum propriorum, instrumentis Appaltuum, aliisque scripturis, & literis Apostolicis praedictis, & aliis quibusvis, etiam quantumcumque qualificatis, & speciali mentione dignis personis, sub quibusvis verborum tenoribus, & formis, ac cum quibusvis, etiam derogatoriis derogatoriis, ac mentis attestatis, restitutoris, aliisque efficacioribus, efficacissimis, & insolitis clausulis, ac irritantibus, & aliis Decretis, etiam contractus jurati cum dicta Camera initi, & Camerali obligatione vallati vim habentibus, aliove quovis robore, & cautela munitis, ac alias de necessitate exprimentis, seu alias quovis modo, etiam motu, scientia, & potestatis plenitudine paribus, ac consistorialiter



in contrarium premissorum concessis, editis, factis, ac pluries, & quantumque vicibus confirmatis, approbatis, & innovatis. Quibus omnibus, & singulis, etiam si pro illorum sufficienti derogatione, de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, illorum tenores, formas, & occasiones, ac causas presentibus pro plene, & sufficienter, ac de verbo ad verbum nihil penitus omisso expressis, & insertis, ac servatis, & specificatis respective habentes, illis alias in suo robore permanens, ad premissorum effectum specialiter, & expresse ac plenissime, & amplissime derogamus, & derogatum esse volumus, ceterisque contrariis quibuscumque.

§.7. Ut autem presentes literæ ad omnium notitiam facilius deveniant, volumus pariter illas ad valvas Basilicæ Principis Apostolorum, & Cancellariæ Apostolicæ, ac in Acie Campi Floræ de Urbe per aliquem ex Curforibus nostris publicari, illarumque exempla ibidem affixa, relinqui, quæ sic publicatæ omnes, & singulos, quos concernunt, periude afficiant, & ardent, ac si unicuique illorum personaliter notificatæ, & intimatæ fuissent.

§.8. Utque earumdem presentium literarum transumptis, seu exemplis, volumus impresis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in iudicio, quam extra illud habeatur, quæ haberetur ipsis presentibus, si forent exhibitæ, vel ostense.

Datum Romæ apud S. Mariam Majorem sub Annulo Piscatoris die XIV. Aug. MDCLXXVII. Pontificatus nostri Anno Primo.

XXII.

Dismembratur Oppidum S. Ludovici de Maragnano a Diocesi Brasiliensi, & Civitas esse decernitur, ejusque Ecclesia D. Victorie dicata Cathedralis constituitur.

Dat. 23. Sept. 1677. An. I.

INNOCENTIUS EPISCOPUS

SERVUS SERVORUM DEI.

Ad perp. rei memoriam.

Exordium.

Super universas Orbis Ecclesias, Deo disponente, qui cunctis imperat, & cui omnia obediunt, quamquam sine meritis constituti, levamus in circuitu agri Domini oculos nostræ Mentis more pervigilis Pastoris inspecturi quid Provinciarum, & locorum quorumlibet statui, & decori, quidve incolarum animarum saluti congruat, disponi debeat, divinoque fulti præsidio dignum quin potius debitum arbitramur in irriguo militantis Ecclesiæ agro novas Episcopales Sedes plantare, ut per hujusmodi novas plantationes Popularis augeatur devotio, divinus floreat cultus, Ecclesiastica administrantur Sacramenta, ac animarum ipsarum salus sublequetur, Locaque ipsa dignioribus titulis illustrentur, & Populi eorum Præfulum assistentia, regimine, & doctrina suffulti, cum Apostolica

auctoritatis amplitudine, & Orthodoxæ fidei augmento proficiant semper in Domino, & quod in temporalibus sunt adepti, non careant in spiritualibus, præsertim cum id piorum, ac nobilium Principum devotio exposcit.

§.1. Cum itaque dilectus filius nobilis vir Petrus Portugaliæ, & Algarbiorum Princeps, & Gubernator, pio præponderans affectu, quod Populi illius partis Brasiliæ, quæ nuncupatur Provincia de Maragnano, attenta longissima, distantia a Civitate Bahiæ omnium Sanctorum residentia Episcopi Brasiliens., cujus est Diocesis, & ad illam difficillimo accessu multa incommoda præcipue circa consecutionem Olei Sancti, administrationem Sacramenti Confirmationis, & exercitium officii Pastoralis passi jam sunt, & in dies patiuntur, & opera, ac ministerio variorum Religiosorum, & aliorum doctrina insignium, & vite approbatorum virorum, quos idem Petrus Princeps Progenitorum suorum, vestigia secutus nullis parcens laboribus, & expensis ad verbum Dei inibi, illarumque partium Incolas, & habitatores ad fidem Catholicam, extra quam nulla est salus perducendos studiosissime transmitti curaverit, Divina cooperante gratia infinite propemodum gentes Divini, humanique Juris eatenus expertes, disculis inde Sathanae tenebris ad agnitionem veri luminis, & Sanctum Baptismatis lavacrum, Sanctæque Matris Ecclesiæ gremium accesserunt, & in dies magis accedunt, eisque rationibus Religio Christiana in illis partibus sic longe, lateque propagata sit, ut Episcopus Brasiliens. pro tempore existens ad illam, ejusque fines citra grave periculum transire, ac singulorum vultus, ut Episcopum decet, inspicere, aliasque partes boni Pastoris in Universum exercere nequeat;

§.2. Attendens quod in dicta Provincia Maragnani ultra alia notabilia loca, reperiatur unum Oppidum Civitas nuncupatum Sancti Ludovici a bis mille Christianis inhabitatum, & Regum Portugaliæ dominio subiectum, aeris salubritate, ac Populi frequentia, & commercio, pluribusque virorum Monasteriis insigne, cujus Incola generis nobilitate, literarumque, & armorum gradibus decorantur, & in dicti Oppidi Sancti Ludovici una Ecclesia Matrix, & principalis alteri inibi existentibus major, sub invocatione Nostræ Domine Victorie, in qua per Vicarium, & nonnullos Presbyteros propriis redditibus ex arario Regio viventes, Missa, & alia Divina Officia celebrantur, & Ecclesiastica Sacramenta administrantur jam pridem erecta, & fundata existit; proptereaque dictum Oppidum Sancti Ludovici a Diocesi Brasiliens. dismembrati, & in Civitatem, dictaque Ecclesia in Cathedralis erigi, & in ea Catholicum Antistitem, & Pastorem proprium institui, qui illos, adhuc debiles in ipsa fide, confirmare, & majora Ecclesiastica Seminaria plantare, Dominisque ovibus septa edificare, ceteraque Pontificalia omnia in illis partibus exercere possit, & debeat omnino expedire, cum præsertim in compluribus Oppidis, & locis ejusdem Provincie de Maragnano multæ, & diversæ Ecclesiæ, ac Virorum Monasteria, & aliaque Sacra loca fundata, & erecta reperiantur, devotionis suæ zelo ductus, Populisque in illis partibus degentibus consulere plurimum exoptasset;

Causa hujus Dismembrationis.

Oppidum S. Ludovici describitur.

Preces Petri Principis, & Gubernatoris Regnor. Portugaliæ, & Algarbior.

Oppidum S. Ludovici cum Provincia Maragnani a Diocesi Brasiliens. dismembratur, & ab illius Episcopi jurisdictione eximitur.

Oppidum in Civitate, ejusque Ecclesia in Cathedralis eriguntur.

Instituitur Episcopatus cum omnibus juribus, & privilegiis alicui Episcoporum.

Diocesis terminus describitur.

§.3. Nos matura super his cum Venerabilibus fratribus nostris S.R.E. Cardinalibus habita deliberatione, dicto Petro Principe, & Gubernatore per ejus literas Nobis ad hoc humiliter supplicante, Oppidum prædictum Sancti Ludovici Episcopali, & Civili titulo dignum iudicantes, piisque dicti Petri Principis votis libenter annuentes, de eorumdem fratrum nostrorum, consilio, & assensu, deque Apostolicæ potestatis plenitudine, Oppidum Sancti Ludovici prædictum cum dicta Provincia Maragnani, ac omnibus suis Castris, Oppidis, Villis, Territoriis, & Districtibus Ecclesiasticis, & personis tam Sæcularibus, quam Ecclesiasticis ab ordinaria Jurisdictione Episcopi Brasiliens. perpetuo segregamus, dividimus, & separamus, illaque omnia quo ad legem Diocesanam ab Episcopi Brasiliens. superioritate, Jurisdictione, potestate, subjectione, vilitatione, & correctione prorsus eximimus, & liberamus; ac Oppidum Sancti Ludovici prædictum Civitatis, illiusque Incolas Civium nomine, titulo, & honore decoramus, illudque in Civitatem, quæ Sancti Ludovici denominatur, & in eo dictam Ecclesiam Nostræ Domine Victorie dicatam in Cathedralis Ecclesiam, sub invocatione ejusdem Nostræ Domine Victorie pro uno Episcopo Sancti Ludovici nuncupando, qui illi præsit, ac Ecclesiam ipsam, seu illius structuras perficiat, & ad formam Cathedralis Ecclesiæ redigi faciat, nec non in ea, & dicta Civitate, ac ejusdem Ecclesiæ Diocesi tot Dignitates, Canonicatus, & Præbendas, aliaque Beneficia Ecclesiastica cum cura, & sine cura, quot inibi Divino cultui, & dictæ Ecclesiæ servitio, ac Ecclesiasticis cleri decori sibi videbuntur convenire, de prædicti Petri Principis, & pro tempore existentis Portugaliæ, & Algarbiorum Regis consilio, & assensu, & prævia eorum congrua dotatione ab ipsis Petro Principe, & Regibus Portugaliæ pro tempore existentibus facienda, quam primum fieri poterit, erigat, & instituat.

§.4. Necnon Episcopalem Jurisdictionem, auctoritatem, & potestatem exercere, omniaque, & singula, quæ ordinis, quæque Jurisdictionis, & cujuslibet alterius muneris Episcopalis sunt, & quæ alii in Portugaliæ, & Algarbiorum Regnis, & dominiis constituti Episcopi in suis Ecclesiis, Civitatibus, & Diocesium facere possunt, & debent, facere libere, & licite possint, & debeant, ac in eadem sic erecta Ecclesia, Episcopalem dignitatem cum Sede, præminentibus, honoribus, privilegiis, & facultatibus, quibus alie Cathedrales Ecclesiæ hujusmodi de Jure, vel consuetudine, aut alias utantur, potiuntur, & gaudent, ac uti, frui, potiri, & gaudere possint, & poterunt quomodolibet in futurum, necnon Episcopali, & Capitulari Mensis, alisque Cathedralibus insignis ad Omnipotentis Dei laudem, & Gloriosissimæ Genitricis ejus Virginis Mariæ, totiusque triumphantis Ecclesiæ Gloriam, & fidei Catholicæ exaltationem de similibus consilio, & Apostolicæ potestatis plenitudine, Apostolica auctoritate tenore presentium perpetuo erigimus, & instituiimus.

§.5. Ac eidem sic erectæ Ecclesiæ, Oppidum S. Ludovici prædictum in Civitatem erectum, pro Civitate, & alia Oppida, Castra, Villas, Territoria, & districtus dictæ Provincie de Maragnano a capite Hortæ per oram Maritimam,

& Terram intus usque ad arcem de Scata exclusive pro Diocesi, necnon Ecclesias prædictæ pro Clero, & Sæculares personas in Civitate, & Diocesi hujusmodi pro tempore degentes pro Populo de consilio, potestate, & auctoritate similibus etiam perpetuo concedimus, & assignamus.

§.6. Civitatemque, Diocesim, Clerum, & Populum Episcopo Sancti Ludovici quoad Episcopalem ordinariam, quovero ad Metropolitanam Jurisdictionem, & Superioritatem eo quod a præscripta Ecclesia Sancti Ludovici longe facilius atque expeditius iter sit Ulyssiponem, quam Bahiam omnium Sanctorum habita ratione præcipue commodioris commercii, unde sequitur major opportunitas regimini Animarum Archiepiscopo Ulyssiponen. de dictorum fratrum Consilio, & potestatis plenitudine paribus etiam perpetuo subijcimus, necnon Mense Episcopali Sancti Ludovici hujusmodi pro ejus Dote redditus annuos duorum millium, & quingentorum Cruciatorum monete Portugaliæ per ipsum Petrum Principem assignandorum, quam quidem summam idem Petrus Princeps de suis propriis, & pro tempore existentium Portugaliæ, & Algarbiorum Regum redditibus, & specialiter de his, quæ ex ipsa Regione Brasiliens. percipiuntur, gratiose, & irrevocabiler donavit, & obtulit, ac solvere quotannis promisit, seu promittit similiter perpetuo applicamus, & appropriamus.

§.7. Et insuper Petro Principi, & pro tempore existentibus Portugaliæ, & Algarbiorum Regi prædictis, Juspatronatus, & presentandi infra annum personam idoneam ad dictam Ecclesiam Sancti Ludovici videlicet Nobis, & pro tempore existenti Romano Pontifici hujusmodi in ejusdem Ecclesiæ Sancti Ludovici Episcopum, & Pastorem ad præsentationem hujusmodi, & non alias præficiendum; ad majorem vero post Pontificalem, & principales, & alias dignitates, Canonicatus, & Præbendas, necnon beneficia erigenda, & per Petrum Principem, & pro tempore existentes Reges hujusmodi congrue, dotanda, tam ab eorum primæva creatione postquam erecta, & dotata fuerint, quam ex tunc deinceps quoties illa quibusvis modis, & quorumcumque Personis, etiam apud Sedem eandem vacare contigerit, Episcopo Sancti Ludovici pro tempore existenti præscripto simili per eum ad præsentationem prædicti Principis Petri, & pro tempore existentium Portugaliæ, & Algarbiorum Regum factam intra terminum a Jure præfixum in ipsis Dignitatibus, Canonicatibus, & Præbendis, ex Beneficiis instituendis, eadem auctoritate pariter perpetuo reservamus, & concedimus, ac Juspatronatus, & presentandi hujusmodi Petro Principi, & pro tempore existenti Regi prædicto, ex meris foundationibus, & dotationibus competere, illique etiam per Sedem eandem etiam consistorialiter quacumque ratione derogari non posse, nec derogatum censeri, nisi ipsius Petri Principis, & pro tempore existentis Regis prædicti ad id expressus accedat assensus, & si aliter quovis modo derogetur, derogationes hujusmodi cum inde secutis nullius roboris efficacitæ, & momenti fore.

§.8. Sicque per quoscumque Judices, & Commissarios quavis auctoritate fungentes, etiam ejusdem S.R.E. Cardinales, etiam de latere Legatos, Sedisque prædictæ Nuncios, etiam causas

Subijcitur Metropolitanæ jurisdictioni Archiepiscopi Ulyssiponen.

Redditus seu Dos Episcopatus.

Juspatronatus & presentandi infra annum ad Episcopatum Regibus Portugaliæ conceditur.

Item ad alias dignitates, & beneficia.

Etiam vacet apud Sedem

Declaratur Juspatr. competere ex dotatione, & fructuatione, nec esse derogandum.

Classis.



rum Palatii Apostolici Auditores, sublata eis, & eorum cuilibet quavis aliter iudicandi, & interpretandi facultate, & auctoritate iudicari debere; & si secus super his a quoquam quavis auctoritate scienter, vel ignoranter contigerit attentari, irritum, & inane decernimus. Non obstantibus Lateranen. Concilii novissime celebrati ab Ecclesiis membra distingui, ac dividi prohibentis, ac Nostra, & Cancellaria Apostolica Regula de non tollendo Jure quæsito, aliisque Constitutionibus, & Ordinationibus Apostolicis; Quibus omnibus, & singulis, illis alias in suo robore permanentibus hac vice dumtaxat harum serie specialiter, & expresse derogamus, ceterisque contrariis quibuscumque.

§.9. Nulli ergo omnino hominum liceat hanc paginam nostræ segregationis, divisionis, separationis, exemptionis, liberationis, decoris, erectionis, institutionis, concessionis, assignationis, subjectionis, applicationis, approbationis, reservationis, concessionis, decreti, & derogationis infringere, vel ei ausu temerario contraire: Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud S. Mariam Majorem anno Incarnationis Dominicæ millesimo sexcentesimo septuagesimo septimo, Tertio Kal. Septembris Pontificatus nostri Anno Primo.

XXII.

Permittitur Cardinali Protectori, & Ministro Generali Ordinis Minorum S. Francisci Capuccinorum potestas dividendi binas Bononiæ, & Marchiæ Provincias in quatuor; ab eisque segregandi nonnulla, vel ad eas aggregandi quædam contiguarum Provinciarum Cœnobio.

Eandem potestatem fecit Clemens X. Fratribus Ordinis Minorum S. Francisci de Observantia Discalceatorum in Lusitania. Constit. Pastoralis Officii quo Tom. 7. Bull. Rom.

Dat. 17. Nov. 1677. An. 2.

INNOCENTIUS PAPA XI.

Ad futuram rei memoriam.

Exordium.

Injuncti nobis divinitus pastoralis officii ratio exigit, ut paternam Religiosorum virorum suave Christi Jugum sub arctioris vitæ indituto laudabiliter portantium curam gerentes, felici prosperoque illorum regimini, & gubernio quantum nobis ex alto conceditur providere jugiter studeamus.

Causa divisionis.

§.1. Exposuit siquidem Nobis nuper dilectus filius noster Nicolaus S. R. E. Diaconus Cardinalis Acciajoli nuncupatus Ordinis Minorum S. Francisci Capuccinorum nuncupatorum apud Nos, & Sedem Apostolicam Protector, quod cum Provincia Bononiens., & Marchiæ dicti Ordinis propter multitudinem Conventuum, & amplitudinem circuitus utriusque illarum, aliasque difficultates, quæ in dies insurgunt, vix possint a suis respective Ministris Provincialibus bis quotannis totæ, sicut Constitutiones Ordinis præfati præscribunt, & spiritualis Religiosorum utilitas exigeret, visitari; ipse Nicolaus

Cardinalis Protector de statu Provinciarum hujusmodi, ex Superiorum, aliorumque Fratrum qualicatorum ejusdem Ordinis relationibus edoctus, recto earundem Provinciarum Gubernio, regularisque observantiæ in eis conservationi plurimum conducibile fore existimat, si utraque illarum in duas dividatur. Cum autem sicut eadem expositio subjungebat, ejusmodi Provinciarum divisiones absque speciali nostro, & hujus Sanctæ Sedis Indulto fieri nequeant. Nobis propterea dictus Nicolaus Cardinalis, & Procurator humiliter supplicavit, ut in præmissis opportune providere, & ut infra indulgere de benignitate Apostolica dignaremur.

§.2. Nos igitur ipsius Nicolai Cardinalis, & Protectoris votis hac in re quantum cum Domino possumus, favorabiliter annuere volentes hujusmodi supplicationibus inclinati, eidem Nicolao Cardinali, & Protectori, ac dilecto filio Ministro Generali dicti Ordinis, ut ipsi per se ipsos, vel per aliquos fratres expresse professos Ordinis prædicti, quos ad id censuerint delegandos, utramque ex Provinciis Bononiens., & Marchiæ prædictis in duas dividere, ac quocumque fratres cujuscumque ex Provinciis hujusmodi respective ad concursum passivum ad Diffricatorum in Capitulo dicti Ordinis proximè celebrando, prout secundum Deum expedire eis videbitur pro hac vice tantum habitare, necnon sive in actu divisionis hujusmodi, sive postea secundum temporis exigentiam, auctoritate nostra Apostolica segregare ab eisdem Provinciis, & aggregare aliis contiguis, ac etiam segregare a Provinciis contiguis Ordinis hujusmodi, & aggregare illis Provinciis, quæ per divisionem hujusmodi noviter formabuntur, illos Conventus, quos ita respective segregari pro majori bono ejusdem Ordinis expedire judicaverint, ac aliam quamcumque provisionem, & dispositionem, circa divisionem, formationem, & gubernium earundem Provinciarum, quam qualibet emergens causa requirere possit, secundum datam sibi a Domino prudentiam, & pro eorum arbitrio facere libere, licite, & valide possint, & valeant, quamcumque necessariam, & opportunam facultatem, & licentiam auctoritate Apostolica præfata tenore præsentium concedimus, & impertimur.

§.3. Decernentes easdem præfatas literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit, plenissime suffragari, & ab eis respective inviolabiliter observari: Sicque in præmissis per quocumque Judices Ordinarios, & delegatos, etiam Causarum Palatii Apostolici Auditores, judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§.4. Non obstantibus præmissis, ac Constitutionibus, & Ordinationibus Apostolicis, necnon Ordinis, & Provinciarum, ac Conventuum hujusmodi, aliisque quibuscumque etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & literis Apostolicis, in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus

Diviso Provinciarum fieri nequit absque speciali Indulto S. Sedis.

Preces Card. Protectoris.

Permittitur Card. Protectori, & Ministro Generali Capuccinorum, ut utramque Provinciam Bononiens., & Marchiæ in duas partiri valeant.

Item impertiri vocem passivam quibuslibet Fratribus dictarum Provinciarum.

Necnon ab illis Provinciis segregare, vel ad eas aggregare Cœnobio.

Clausula.

pro plene, & sufficienter expressis, ac ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud S. Mariam Majorem sub Annulo Piscatoris die XVII. Novembris MDCLXXVII. Pontificatus nostri Anno Secundo.

XXIV.

Reducuntur Magistri, aliique Graduati Ordinis Prædicatorum ad numerum in suis Capitulis Generalibus definitum, & Magistri Generalibus interdicuntur, ne in posterum supernumerarios eligant, ab eisque speciales Gratia contra Constitutionum, & Capitulum generalium dispositiones concessa revocantur.

Dat. 20. Nov. 1677. An. 2.

INNOCENTIUS PAPA XI.

Ad futuram rei memoriam.

Exordium.

In supremo militantis Ecclesiæ solio per ineffabilem Divinæ bonitatis abundantiam, meritis licet imparibus collocati, muneris nostri partes esse intelligimus, ut ea, quæ Religiosorum virorum ordinibus in Ecclesia Dei pie, sancteque institutis detrimentum adferre, regularemque in eis disciplinam perturbare noscuntur, ad æquitatis, & Justitiæ terminos reducere satagemus, sicut omnibus maturæ considerationis trutinâ perpensis, ad Omnipotentis Dei gloriam, & religionis felicem progressum, ac incrementum salubriter expedire in Domino arbitramur.

Causa Reductionis.

§.1. Cum itaque (sicut accepimus) Magistri, aliique Graduati Ordinis Fratrum Prædicatorum, propter assiduum Ministerium, quod eis exhibetur, necnon expensas, quas Communitatibus occasione Capitulum Provincialium afferunt, ac exemptionem a Choro, aliisque prærogativas, quibus fruuntur, Provinciis ipsius Ordinis valde onerosi existant, & licet certus ejusmodi Magistrorum & Graduatorum pro unaquaque Provincia numerus per Capitula generalia dicti Ordinis, ad petitionem ipsarum Provinciarum, quæ propriarum virorum conscientia ordinari desideraverant, stabilitus reperitur, cum expressa prohibitione, ne eadem Provincia alios petere valeant, neve hujusmodi numerus unquam excedatur, nisi in casu quo Magister Generalis Ordinis prædicti pro tempore existens ex aliqua urgentecausa aliter disponeret: nihilominus Magistrorum, aliorumque Graduatorum hujusmodi multitudo in dicto Ordine absque ulla urgenti causa per nimiam præteritorum Magistrorum Generalium ipsius Ordinis facilitatem, atque indulgentiam adeo excreverit, ut Provinciis prædictis intolerabilis existat, & quod pejus est, inter eos nonnulli reperiantur ad magisterium, aliosque gradus promoti, qui officia per Constitutiones Ordinis præfati ad id præscripta non exercuerunt, sed cum quibus perinde ac si officia hujusmodi exercuissent dispensatum fuit.

Numerus Magistrorum, aliorumque Graduatorum fuit in Capitulis Generalibus unicuique Provincie præscriptus. Magistro Generali facta fuit potestas eligendi supra numerarios. Hinc nimium auctus Graduatorum numerus.

§.2. Hinc est, quod Nos ejusdem Ordinis, illiusque Provinciarum levamento, & commo- dis, prosperoque, & felici regimini, & gubernio quantum Nobis ex alto conceditur providere, regularisque disciplinæ vigorem tueri, & fi-

cubi collapsus sit, restituere cupientes, Motu proprio, & ex certa scientia, & matura deliberatione nostris, deque Apostolicæ potestatis plenitudine Magistros, aliosque Graduatos dicti Ordinis ad numerum per Capitula generalia pro unaquaque Provincia respective stabilitum, ut præfertur itaut in eo numero in singulis Provinciis hujusmodi respective connumerati remaneant: antiquiores tamen, qui functiones, & munera per Constitutiones, & Capitula generalia hujusmodi præscripta realiter, & cum effectu exercuisse reperuntur, sine ullo tamen præjudicio illorum, qui a Sede Apostolica immediate promoti sunt, quos suis prærogativis supra numerum hujusmodi gaudere volumus, tenore præsentium reducimus.

Reducuntur Magistri, aliique Graduati ad numerum in unaquaque Provincia Capitulis Generalibus stabilitum.

Exciipiuntur supernumerarii a Sede promoti.

§.3. Porro circa supranumerarios a præfatis Magistris Generalibus promotos, harum serie mandamus dilecto filio moderno Magistro Generali dicti Ordinis, ut adhibito maturo Religiosorum gravium consilio, illorum qualitates, & sufficientiam examinet, & quatenus eos habiles, ac omnia officia per dictas Constitutiones præscripta exercuisse repererit, illos titulo tantum gaudere faciat, quousque secuta vacatione juxta ordinem antiquitatis gradus suscepti ad fruitionem integrarum prærogativarum, subintrent: Si vero eos inhabiles, aut munera, seu officia a memoratis Constitutionibus requisita non exercuisse compererit, illos Magisterio, aliove gradu quem obtinent omnino privatos declaret, donec, & quousque studiosis laboribus meritum hujusmodi gradum respective sibi comparasse reperiantur.

Alii vero examini subijciantur, & merentes reperiti statu titulo, ac postea data occasione etiam prærogativis Graduatorum fruuntur.

§.4. Præterea ad evitandum in futurum Provinciarum, & Communitatum hujusmodi gravamen, præfato moderno, & futuris dicti Ordinis Magistris Generalibus in virtute sanctæ Obedientiæ prohibemus, & interdicens, ne de cetero Magisterii, aliove gradus supra numerum sicut præmittitur præscriptum conferre, nec ullam cujusvis generis exemptionem concedere audeant quovis modo, seu præsumant illis Fratribus, qui realiter, & cum effectu laudabiliter non exercuerint illa officia, & non supportaverint illa onera, quæ juxta Constitutionis Ordinis præfati ad obtinendos gradus, & exemptiones hujusmodi respective necessario præcedere debent.

Prohibetur, ne Magistri Generales in posterum supernumerarios instituant, nec exemptionem eis concedant, quibus Constit. Ord. non suffragantur.

§.5. Cæterum quia (sicut pariter accepimus) plurimi in Ordine prædicto reperuntur Fratres, qui vigore gratiarum specialium a Magistris Generalibus prædictis concessarum, exemptionibus a choro, ac prærogativis loci Baccalaureorum, & vocis in Capitulis Provincialibus contra formam Constitutionum, & Capitulum Generalium præfatorum fruuntur, in gravissimum dictarum Communitatum, nonnullorumque Fratrum privatorum præjudicium.

Quamplurimum tribuantur specialiter gratia a Magistris Generalibus contra Capitula Generalia, & Constit. Ordinis.

§.6. Nos opportunum his quoque abusibus remedium adhibere, & ne in futurum suboriantur, providere volentes, omnes, & singulas gratias speciales hujusmodi motu, scientia, deliberatione, & potestatis plenitudine paribus earundem tenore præsentium revocamus, cassamus, & abolemus, viribusque, & effectu penitus, & omnino vacuumus, ac in futurum dispositiones Constitutionum, & Capitulum generalium hujusmodi inviolabiliter observari præcipimus.

Revocantur hujusmodi speciales Gratia, & omnino firmam decernuntur dispositionibus Constit. & Capitulum Generalium.